

A Sera Di Mezzanotti

A sera di mezzanotti,
Nasce nasce un ziteddu,
Figliol'di u nostru mondu
Chi si chjama bambineddu...
Da tutti li so rughjoni
Pa li monti e li sarri,
So vinuti li parsoni
Pa li fiumi e li mari.

Li sumeri e li ghjumentu
Cu li sporti di fritteddi
Purtani tamanti somi
Da campa vechji e ziteddi...
Luci a stedda in altu celi
E s'accheta la timpesta,
Chi a terra in aliconu
Si ralegra d'essa in festa.

Li pastori in campagna
Stani a senta li zampugni
Chi risonani in i valdi
Parfinchi a ghjenti ghjunghji...
Bambineddu d'aligria
Chi ci accogli in i to mani,
Bambineddu d'aligria
Sè spiranza par dumani.